

太上無極總真文昌大洞仙經卷之四

甘山摩維洞主太玄無上德真君校正

道言爾時

元始天王眉放青毫頂旋紫炁萬華寶蓋浮

羅覆形玉光金霞紆絢晃耀

玉宸道君太玄道父稽首顛竚願聽洞章於

是

元始天王怡然嘯詠曰

皇上超無景 輪轉九曜生 徊風混帝心

八炁運常寧 廣霞參神天 五帝散日精

液溢元中漢 血凝五華平 體寶圓珠映

流曜拔兆形 號為壽逸阜 亦曰澄漚淳

俱濟三塗關 啓籍登大明 使子保仙真

七世披綠青 解禍冥途下 超福晨上靈

世世登玉鄉 累祖反胎嬰 洞觀無礙空

始通生因明 驪珠湛方瞳 內外洞照清

元始天王曰

玉宸九天司 太上大道生 常保景化內

九回鏡上清 解帶玉映室 衆素入四明

携提日中王 併羽月晨靈 太一召天魔

帝君校萬精 拔過死積炁 越度仙黃庭

帝立三關上 八風舞神兵 左把福醴液

右提慶源餅 洞微無障玄 覺通生虛明

貫額開十方 豁落一切聲

元始天王曰

泰清浮絕空 三天寶神符 日中開五輝

青帝圓常無 捧籍登大明 受錄金華樓

五藏植玉根 魂魄一凝和 洞空清淨玄

悉通生清明 定和妙明覺 玄息自長生

元始天王曰

太極元景王 三天攝神生 紫素翳鬱仍

安來上華京 拔出五苦積 返胎七元庭

九玄解重結 累祖樂錦清 徘徊秀華下

俯仰要五靈 兆身昇玉堂 五神回孩嬰

俱躋太漠外 養素朝圓明 洞虛清淨和

華通引玄明 砥煉五牙珠 含善味長生

元始天王曰

皇初紫元中 暉光鬱霄明 三天煥九景

離合億萬生 披珠中綠霞 上徊寒童靈

拔出五苦毒 超身過始青 白素啓蕭飈

金門衛朱兵 七世積尸結 一化百散傾

受福東霞室 反胎朱火庭 洞靈清淨行

力通自沖明 淨真手握斗 足躡九元星

揮執天地關 精神生命根

元始天王曰

無英真上玄 玄元九素炁 寄頻携運珠

混化啓明日 正一左右仙 長扶靈虛室

兆有五符籍 合仙得真炁 蒐生太無中

魄亦五道會 世世解死尸 七祖無住滯

神風吹胞樹 根葉已斷絕 胎中種鬼殃

五符開地結 長為神真王 應仙續萬世

洞真清淨身 道通自然質 真應化現相

不動住黃室 應化無方在 骨肉金玉寶

靜真明正道 至老長不易

元始天王曰

中央黃素炁 圓華玉壽靈 太張上玉門

伏雲三仍明 青景翳逸寥 携提太一精

帝女抱定陵 吟詠玉清經 五籍編紫房

五符入圓庭 七祖反胎宅 滅絕三途生

流風斷血滯 玄葉得黃寧 洞玄清淨光

11011011

元命靈通成	性命宗本堅	孝道成明王
生根得太和	無為登上清	
元始天王曰		
青精上華蒸	太微玄景童	神化玉室內
飛羽逸紫空	日為三衿交	奉符登帝墟
開闢把金節	開戶扣瓊鐘	滅魔三艷野
招靈上清宮	明出窮閭陰	入精六合房
回老變皓形	還白返嬰童	洞源清淨光
津液具神通	咽液生萬神	神水華池融
湧升灌而潤	往來無有窮	通生道之源
天授常茂豐		
元始天王曰		
太陽化三晨	紫耕微玄下	元君保谷童
守胃塞死戶	金符煥比華	玉契拔七祖
帝真灌上生	斷我三途苦	洞明清淨光
帝心大玄通	宿命過去智	根本元由中
未來及他心	一切無礙融	洞源與洞明
萬道由通生		
元始天王曰		
太初九素炁	炁出華景中	法壇舞仙旗

逡巡五老公	天人名啓珠	執籍歸紫房
元父左回明	混會太微童	洞清明智慧
太意朗元通	根塵悉消滅	有無皆虛空
妙行真一金	名大神通	道備登玉清
位為聖仙翁		
元始天王曰		
元始授太玄	蒼胡頰寶珠	檀熾鈞音妙
希聲徹太虛	九皇上真炁	四司大神王
飛霞散天日	凝渙六合房	上清朝玉虛
乘景展暉中	三神號發紐	捧籍啓虛皇
逸錄登紫清	金符刻羽宮	頂玄蒼胡頰
弘濟登普光	運度玄中人	咽味生五芳
結集成胎仙	丹母金真陽	主伴合元範
太易生玄輝		
太上元極總真文昌大洞仙經卷之四		

太上元極總真文昌大洞仙經卷之五 葛

甘山摩羅洞主太玄無上德真君校正

道言爾時

元始天王以大洞高上混沌太無元天寶玉皇之炁結一寶珠命之曰蒼胡頰曰吾以此寶珠從道妙一善質生根孕玄分元誕始傳真化生諸天凝成萬炁大哉至寶惟我獨存今為

玉宸道君重出斯寶諸天帝玉天真大聖瞻望寶光其光分數百萬億結成大洞仙經玉文疑而成雲絢而成章諸天帝玉天真大聖以清明識以始通觀以華舌通齋聲宣誅大洞雲章響徹萬天流響九地天界境界水界神鄉一切神靈不離本坐俱觀雲章絢目仙梵歷耳皆悉百生障滅萬劫塵消三塗九幽十方惡趣咸承光音所及十纏九結六染七塵於是頃聞一時解脫是時太玄道父前詣蕭臺再拜稽首求受寶珠所結大洞仙經玉文雲章庶以導化人天衆生俱免萬災咸消衆罪不沉惡趣俱等一乘弘是願言殷勤